

# Maturità 2017

Non possiamo rinunciare al pensiero e all'indagine continua sul senso della vita e delle nostre azioni. La filosofia è l'antidoto alla passività degli atteggiamenti e ci consente di comprendere sempre ciò che siamo e ciò che facciamo. **L'autore ribadisce il valore della filosofia all'allievo Lucilio**, invitandolo in ogni caso a non perdere mai la passione per l'impegno nella riflessione critica e consapevole.

*(segue Seneca, epist. 16, 3-5)*

Non est philosophia **populare artificium** nec ostentationi paratum; non in verbis sed in rebus est. Nec in hoc adhibetur, ut cum aliquā oblectatione consumatur dies, ut dematur otio nausea: *animum format et fabricat, vitam disponit, actiones regit, agenda et omittenda demonstrat*, sedet ad gubernaculum et **per ancipitia fluctuantium** derigit cursum. Sine hāc nemo intrepide potest vivere, nemo secure; innumerabilia accidunt singulis horis quae consilium exigant, quod ab hāc petendum est. Dicit aliquis, "*Quid mihi prodest philosophia, si fatum est? Quid prodest, si deus rector est? Quid prodest, si casus imperat?*"

*Nam et mutari certa non possunt et nihil praeparari potest adversus incerta, sed aut consilium meum occupavit deus decrevitque quid facerem, aut consilio meo nihil fortuna permittit*". Quidquid est ex his, **Lucili**, vel si omnia haec sunt, **philosophandum est**; sive nos inexorabili lege fata constringunt, sive arbiter deus universi cuncta disposuit, sive casus res humanas sine ordine impellit et iactat, philosophia nos tueri debet. **Haec adhortabitur ut deo libenter pareamus, ut fortunae contumaciter; haec docebit ut deum sequaris, feras casum.**